

Ny Baiboly ho an'ny ankizy
dia manolotra

Ireo fahagagana
nataon'i Jesoa



Nosoratan'i: Edward Hughes

Sarin'i: Byron Unger; Lazarus

Nampifanarahin'i: E. Frischbutter; Sarah S.

Nadikan'i: Fikambanana "Ndao mba hiaraka aminay" na
association "Allons ensemble" FJKM Nazareta Amborovy
Mahajanga Madagascar

Alastair Paterson

Novokarin'i: Bible for Children
www.M1914.org

©2020 Bible for Children, Inc.

Azo atao ny fandikana na fakana ity tantara ity
nefa tsy ho amin'ny fitadiavam-bola.



Marobe ny fahagagana vitan'i Jesoa. Izany dia maneho ny maha-Zanak'ANDRIAMANITRA Azy.



Tao amin'ny fampakaram-bady iray izay no nanaovan'i Jesoa ny fahagagana voalohany. Nisy zava-manahirana nitranga. Tsy ampy ny divay ho an'ireo nasaina.



Lasa i Maria, renin'i Jesoa, nilaza izany olana izany tamin'ny Zanany. Avy eo dia noteneniny ireo mpikarakara mba hanaraka izay hasain'i Jesoa hataony.



"Fenoy rano ny siny", hoy Jesoa.
"Rano?" hoy izy ireo angamba
nanontany. Eny e! Tena rano
tokoa no nambaran'i Jesoa.



Avy eo dia nasain'i Jesoa
nentina tany amin'ny
tompon'andraikitra ny
sakafo ny siny iray
mba handramany.
Niova ho divay
ilay rano.
Divay tsara.
Faran'izay
tsara.



Nivanaka ireo mpikarakara.
Nanova ny rano ho
tonga divay i Jesoa.
ANDRIAMANITRA
irery ihany no mahavita
fahagagana toy izany.





Nahavita
fahagagana
hafa koa Jesoa.
Indray hariva, tany
an-tranon'i Petera
i Jesoa sy ny
mpianany. Narary
ny rafozambavin'i
Petera. Voan'ny
tazo izy.



Noraisin'i Jesoa ny tanan'ilay marary. Niaraka tamin'izay, sitrana ilay vehivavy. Nitsangana izy ka nikarakara an'i Jesoa sy ny mpianany.



Io hariva io ihany,
nitangoronan'ny iray
tanàna ny tranon'i
Petera. Maro ireo
marary tonga teo:
ny jamba, ny
marenina, ny
mandringa.
Tao aza ireo
nitoeran'ny
fanahy ratsy.
Ho vitan'i Jesoa
ve ny hanampy
ireo rehetra ireo?



Vitan'i Jesoa, Ilay Zanak' ANDRIAMANITRA, ny hanampy azy ireo. Nampian'i Jesoa izy. Sitrana avokoa izay rehetra nanatona an'i Jesoa. Nisy olona nandeha tamin'ny tehina hatrizay niainany no nandeha, nihazakazaka sy nitsambikimbikina.



Nisy hafa koa
tonga teo. Olona
nosimbain'ny
habokana ny
tarehiny.







Na ireo olatra
navelan'ny
habokana aza
dia tsy hita
intsony rehefa
nodiovin'i
Jesoa ireo.



Nisy lehilahy
sy vehivavy,
nampaorian'ny
devoly, nijoro
nanoloana
an'i Jesoa.
Nobaikon'i
Jesoa ireo
devoly mba
hiala.



Raha vao
nanaiky an'i
Jesoa ireo
devoly ka niala
dia indreo fa
tony sy
miramirana
ireo olona
nihorohoro sy
nijaly teo.



Tao aorian'ireo olona marobe ireo, nisy efa-dahy nitondra ny namany marary hanatona an'i Jesoa. Tsy afaka anefa izy ireo fa nifanisika loatra ny olona. Inona no azony natao?



Nakaran'ireto sakaizany efatra
teny ambony tafo ilay marary.
Nanendahany ny tafo ka teo
no nampidinany ilay namany
marary. Ary dia tonga
teo akaikin'i
Jesoa izy.



Rehefa hitan'i Jesoa ny finoan'izy efa-dahy dia hoy Izy tamin'ilay marary: "Voavela ny helokao. Betao ny fandrianao ka mandehana." Dia nitsangana ralehilahy. Sitrana sady natanjaka izy. Jesoa no nanasitrana azy.




Taty aoriana kely, nandeha
sambokely niaraka tamin'ny
mpianany i Jesoa. Nisy
tafiodrivotra mahery
nampisavoaravoara
ny ranomasina.



Jesoa anefa natory.
Natahotra ny mpianany
ka namoha Azy. Niantso
mafy izy ireo hoe:
"Tompo ô! Vonjeo
fa maty izahay."



"Mangina, mitsahara" hoy i Jesoa nibaiko ny onja. Niaraka tamin'izay, nitony ny ranomasina. "Lehilahy manao ahoana re Io, fa ny rivotra sy ny ranomasina aza dia manaiky Azy e!" hoy ireo mpianany nifanontany.



Nino izy ireo fa Zanak' ANDRIAMANITRA tokoa
i Jesoa ka maneho ny voninahiny izao fahagagana
izao. Ary ny mpianatra tsy nahalala fa
mbola hahita zava-mahagaga lehibe
noho izao efa hitany izao
izy ireo, nandritra
ny fotoana
niarahan' i
Jesoa

tamin'ny olona, nanompo
an' ANDRIAMANITRA.



Ireo fahagagana nataon'i Jesoa

Tantaran'ny Tenin'Andriamanitra, ny Baiboly,

Tao amin'ny bokin'ny

Matio 8 - 9, Marka 1 - 2, Marka 4,
Lioka 4, Lioka 8, Jaona 2

"Ny fanambaràn'ny teninao dia manazava."
Salamo 119:130



Tapitra



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.

Raha te-hibebaka hiala amin'ny fahotanao ianao,
dia izao no afaka lazainao amin'Andriamanitra:

Ry Andriamanitra ô, mino aho fa maty ho ahy Jesosy, ary velona Izy ankehitriny. Miangavy Anao aho, Tompo ô, midira ao amin'ny fiainako, ary mamelà ny heloko, mba hahazoako fiainan-baovao, ary ho avy ny andro handehanako eny Aminao ho mandrakizay. Ampio aho ho velona ao aminao, tahaka ny Zanakao. Amena.

Vakio ny Baiboly ary miresaha amin'Andriamanitra isan'andro!
Jaona 3.16

